

Txoj Kev Ua Kom Muaj Kev Ncaj Ncees Hais Txog Cov Av Ua Liaj Ua Teb Nyob Hauv California

Cov Tswv Yim Uas Cov Txwj Laus Khiav Hauj Lwm Los Ua Kom Muaj Kev Ncaj Ncees Hais Txog California Cov Av Ua Liaj Ua Teb Pom Zoo Kom Ua

Cov tswv yim uas pom zoo kom ua hais txog kev muab nyiaj pab

Cov Ntsiab Lus Qhia Dav Dav

California muaj ib qhov teeb meem tsis ncaj ncees loj hais txog cov av ua liaj ua teb uas yuav tsum tau muab daws kom tag sai sai. Tau ntau caug xyoo lawm, coob tus neeg ua liaj ua teb thiab cov neeg saib xyuas Neeg Qhab cov av yeej tau raug txwv tsis pub ua tswv thiab tuav cov av ua liaj ua teb vim lawv yog ib haiv neeg tawv nqaj txawv, lawv yog ib pab pawg neeg txawv, lawv yog poj niam los sis txiv neej, lawv yog neeg nplua nuj los sis neeg pluag, thiab vim lawv txoj kev khiav tuaj nyob hauv lub teb chaws, nrog rau lwm yam.¹ Niaj hnuv no, txoj kev uas tsis muaj kev ncaj ncees hais txog kev ua tswv thiab kev muaj kev mus siv tau cov av ua liaj ua teb yeej phem dua yav tag los lawm vim muab cov av muag rau tsawg tus neeg tuav thiab muab muag ua lag luam, vim huab cua pauv, thiab vim cov lus tswj hwm uas muaj ntau yam nyuaj cov neeg ua liaj ua teb.²

Cov Txwj Laus Khiav Hauj Lwm Los Ua Kom Muaj Kev Ncaj Ncees Hais Txog Cov Av Ua Liaj Ua Teb Nyob Hauv California yeej yog ib cov txwj laus tsa los khiav hauj lwm tsis muaj leej twg yuav los cuam tshuam nyob rau hauv California Budget Act of 2022 (**AB 179**) los mus muab ib cov tswv yim uas lawv pom zoo kom muab tso rau hauv cov lus tswj hwm xa mus rau tus Tswv Xeev thiab Cov Txwj Laus Sau Kev Cai Lij Choj hais txog txoj kev yuav los ua kom muaj av ntau ntxiv coj luas ua qoob loo thiab coj los rau Neeg Qhab ua liaj ua teb. Qhov Dej Num Tsim kom muaj ib cov tswv yim pom zoo kom ua los ntawm ib txoj kev nrog pej xeem koom tes uas twb muaj coob tshaj li 400 tus neeg ua liaj ua teb, cov coj ntawm cov Neeg Qhab Ib Txwm Txawm Nyob Hauv California thiab cov tswv cuab, thiab lwm cov neeg nyob thoob plaws California. Tsab ntawv nthuav qhia kawg twb yog tsab uas muab xa mus rau thaum Lub Kaum Ob Hlis 2025.

Peb yeej muab cov tswv yim uas pom zoo kom ua faib ua rau (6) ntu ntawv



Kev muab kev saib Neeg Qhab cov av thiab kev muab av rov qab rau Neeg Qhab coj los ua ib qhov tseem ceeb.



Kev muab nyiaj pab thiab muaj nyiaj txhawb zog rau txoj kev yuav av rau cov neeg ua liaj ua teb tseem ceeb thiab cov neeg uas saib xyuas Neeg Qhab cov av.



Txiav, kho, thiab muab txoj kev uas pub ib tus neeg los sis lag luam mus yuav av ua liaj ua teb ntau thim rov qab.



Txuag California cov av ua liaj ua teb thiab muab txoj kev ncaj ncees hais txog kev siv thiab kev saib xyuas av coj los ua qhov tseem ceeb.



Tiv thaiv thiab muab txoj kev yuav tau av ntev coj los ua qhov tseem ceeb.



Txhawb txoj kev ua liaj ua teb hauv cov nroog loj.

Kev ncaj ncees hais txog cov av ua liaj ua teb yog thaum cov neeg ua liaj ua teb tseem ceeb thiab cov neeg saib xyuas Neeg Qhab cov av muaj kev mus yuav tau av, muaj cov av uas nqi pheej yig thiab yog av zoo rau lawv tuav thiab cog khoom noj, cov khoom muaj fiber, tshuaj, thiab ua raws li tej kab lis kev cai uas yuav tsis muaj kev txiav, muaj txoj kev uas ib cov neeg muaj ntau tshaj ib cov, los sis muaj txoj kev siv tsis raws txoj cai.

Cov neeg ua liaj ua teb tseem ceeb thiab cov neeg uas saib xyuas Neeg Qhab cov av yog cov tib neeg uas tau raug kev txwv ntawm txoj kev ua tswv av thiab txoj kev tuav tau av ntev rau kev ua liaj ua teb thiab rau Neeg Qhab siv zoo li yav tag los thiab los ntawm kev khiav hauj lwm.

Cov tswv yim pom zoo kom ua hais txog kev muab nyiaj pab

Txij li thaum xyoo 2018 los, tus nqi ntawm cov av ua liaj ua teb nyob hauv California twb nce 28.3% lawm. Cov nqi uas nce txog qhov siab tshaj yog \$12,000 rau ib ev kawj thaum xyoo 2022, uas yog nce 10.1% siab tshaj xyoo tag los.³ Nyob hauv cov txwj laus Task Force txoj kev khiav hauj lwm, cov neeg ua liaj ua teb tseem ceeb thiab cov neeg saib xyuas Neeg Qhab cov av yeej tau qhia tsis tseg hais tias cov kev pauv ntawm no yeej yog thawj qhov kev txiav kom tsis txhob siv tau thiab tuav tau cov av ua liaj ua teb ntev. Ntxiv rau qhov ntawd, cov nyiaj pab uas muaj tam sim no yeej pab tsis tau coob tus neeg thiab yeej pab tsis tau ntau, thiab qhov uas cov tib neeg yuav tsum tau muaj es lawv thiaj li yuav tsim nyog tau nyiaj pab yeej tsis muaj zoo li qhov uas cov neeg ua liaj ua teb uas nyuam qhuav pib, ua me, thiab tau nyiaj tsawg muaj. Yuav tsum tau muaj ib cov kev pab nyiaj tshiab coj los ua kom cov neeg ua liaj ua teb tseem ceeb thiab cov neeg saib xyuas Neeg Qhab cov av them taus cov nqi ntawm cov av ua liaj ua teb uas kim thiab nce siab zuj zus nyob hauv California.

Hauv qab no yog ib cov tswv yim pom zoo kom ua uas npaj coj los muab nyiaj pab cov neeg ua liaj ua teb tseem ceeb thiab cov neeg saib xyuas Neeg Qhab cov av. Yog xav paub tag nrho cov tswv yim, suav nrog rau cov tswv yim uas pom zoo kom ua ua ke thiab muaj kev nkag siab zoo txog qhov hais tias saib yuav ua li cas es thiaj li yuav ua tau kom muaj kev ncaj ncees hais txog av, thov mus nyeem [tsab ntawv nthuav qhia uas muaj tag nrho cov lus](#).

1.1.a Npaj ib qhov nyiaj hu ua Ancestral Land Return Fund for California Native American Tribes coj los yuav cov av ua liaj ua teb nyob hauv cov thaj chaw uas lawv pog yawg ib txwm nyob.

2.1.a Npaj ib Cov Nyiaj Coj Los Ua Kom Cov Av Rov Qab Muaj Txhua Yam Zoo Li Yav Tag Los (Restorative Land Fund) uas cov neeg ua liaj ua teb tseem ceeb thiab cov neeg saib xyuas Neeg Qhab cov av uas lawv xav yuav av, xav ua tus tswv ntawm ib cov av, thiab xav ua kom tuav tau

ib cov av nyob hauv California ntev rau kev ua liaj ua teb yeej mus thov tau.

2.3.a Muab nyiaj pab cov koom haum uas pab cov neeg ua liaj ua teb tseem ceeb thiab cov neeg saib xyuas Neeg Qhab cov av rau lawv coj mus yuav av thiab mam li muab cov av ua liaj ua teb xauj los sis muab pauv mus rau cov neeg ua liaj ua teb tseem ceeb thiab cov neeg saib xyuas Neeg Qhab cov av los ua cov neeg uas yuav los tuav.

2.4.a Npaj ib qhov kev pab cuam rau kev txais nyiaj uas tsis tau them nqi paj txais nyiaj ntau, muaj kev zam rau cov nyiaj neeg txais uas lawv them tsis taus, los sis tsis tag them feem uas yuav tau them ntawm cov nyiaj txais thiab qhov nyiaj nqi paj ntawm cov nyiaj txais (reverse amortization) coj los pab kom cov neeg ua liaj ua teb tseem ceeb thiab cov neeg saib xyuas Neeg Qhab cov av uas ntau zaus yeej tsis muaj kev yuav mus txais tau nyiaj kom lawv yuav tau av thiab ua tau kom lawv muaj nyiaj.

2.4.b Npaj ib qhov kev pab cuam rau kev zam cov nyiaj uas neeg txais thaum lawv them tsis taus lawm uas muaj kev zam zoo ib yam li tsoom fww qhov kev pab cuam hu ua Public Service Loan Forgiveness rau cov neeg ua liaj ua teb tseem ceeb thiab cov neeg saib xyuas Neeg Qhab cov av coj los txo cov nyiaj uas cov lag luam ua liaj ua teb muaj.

3.3.a Npaj thiab muab nyiaj coj mus tseg cia rau kev so hauj lwm hu ua California Producer

Retirement Fund kom cov neeg ua liaj ua teb tseem ceeb thiab cov neeg saib xyuas Neeg Qhab cov av muaj nyiaj siv thaum lawv so hauj lwm es kom lawv tsis txhob tau muab lawv cov av muag rau tus neeg uas yuav them lawv ntau tshaj.

4.2.a Nyob hauv cov kev pab cuam rau kev txuag av tshiab thiab cov uas muaj tam sim no, yeej muab nyiaj mus pab rau

- Txoj kev yuav cov av ua liaj ua teb uas yog lwm tus neeg li kom siv tau thiab cov kev kho.
- Cov nqi ntawm cov ntawv tso cai, cov nqi saib xyuas av, cov nqi kho kev, cov nqi tsev uas npaj rau cov neeg ua hauj lwm ua liaj ua teb nyob, thiab lwm cov nqi uas yuav npaj tau ib qhov av coj los ua liaj ua teb.
- Cov nqi ntaub ntawv thiab cov kev pab rau kev ua raws li txoj cai thiab rau kev qhia kom paub ua ib yam dab tsi los mus sib tham thiab los mus ua cov ntaub ntawv yuav av, xauj av, txuag av thiab siv av kom tiav.

6.1.b Muaj nyiaj mus pab tsis muaj kev tu ncuu los ntawm cov kev pab cuam pab nyiaj uas muaj tam sim no rau kev ua liaj ua teb hauv nroog loj, zoo li qhov kev pab cuam CDFA's Urban Agriculture Grant Program, thiab muab cov kev pab cuam nthuav kom dav los mus nrhiav kom paub thiab daws cov kev tu ncuu nyob hauv txoj kev txhawb kev ua liaj ua teb hauv nroog loj thiab kev ua liaj ua teb kom rov qab muaj txhua yam zoo li yav tag los.

Muab Cov Lus Uas Siv Nyob Hauv Tsab Ntawv Nthuav Qhia Ntawm No Qhov Twg Los

- 1 California Department of Food and Agriculture. (2020). "2020 Report to the California Legislature on the Farmer Equity Act." Last accessed Feb. 26, 2026 from <https://www.cdfa.ca.gov/farmerresources/pdfs/2020FarmerEquityReport.pdf>
- 2 O'Connor, Teresa. (2024). "What the 2022 Census of Agriculture confirms about California." American Farmland Trust. Last accessed Oct. 2, 2025 from <https://farmland.org/2022-census-of-agriculture-california/>
- 3 "Land values 2022 summary." (2022). U.S. Department of Agriculture. National Agricultural Statistics Service. Last accessed Oct. 2, 2025 from https://www.nass.usda.gov/Publications/Todays_Reports/reports/land0822.pdf



Neeg yeej mus nrhiav tau tsab ntawv nthuav qhia muaj tag nrho cov lus uas hais ua lus Askiv, cov ntawv nthuav qhia uas muaj cov ntsiab lus hais ua ntau yam lus, thiab cov lus qhia ntiv hais txog cov txwj laus Task Force nyob saum huab cua (online) nyob ntawm: bit.ly/ALETF-about